



Broj: 01-02-1-2537-28/20
Datum: 28.09. 2021. godine

"

Na osnovu člana 36. i 37. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18 i 11/19) i člana 14. Statuta Općine Tešanj ("Službeni glasnik Općine Tešanj" broj:11/07) Općinsko vijeće Tešanj na svojoj 9. sjednici održanoj dana 27.09.2021. godine, donijelo je

O D L U K U
O IZMJENAMA I DOPUNAMA
ODLUKE O IZVRŠAVANJU BUDŽETA OPĆINE TEŠANJ ZA 2021. GODINU

Član 1.

U članu 14. iza stava 1. dodaje se novi stav 2. koji glasi:
Ovlašćuje se Općinski načelnik da tokom budžetske godine izvrši korekciju vrijednosti boda kako bi se uskladila potrebna sredstva za plaće sa raspoloživim budžetskim sredstvima na navedenoj poziciji.

Član 2.

U članu 17. iza stava 1. dodaje se novi stav 2. koji glasi:
U slučaju iskazane potrebe za dodatnim sredstvima na pojedinim stavkama JU Centra za socijalni rad Tešanj, ovlašćuje se Općinski načelnik da na zahtjev Ustanove odobri dodatne preraspodjele sredstava sa stavke "Jednokratne pomoći putem Centra za socijalni rad Tešanj".

Dosadašnji stav 2. i 3., postaju stav 3. i 4..

Član 3.

U članu 22. iza stava 2. dodaje se novi stav 3. koji glasi:
Sredstva utvrđena na poziciji "Podrška Općine projektima organizacija i institucija van teritorije općine Tešanj" će se realizovati prema pojedinačnim zahtjevima za sufinansiranje projekata van teritorije Tešnja.

Član 4.

U članu 18. iza stava 10. dodaje se novi stav 11. koji glasi:
Zadužuju se sve javne ustanove kojima se sredstva odobravaju za redovne aktivnosti, a ista im se doznačavaju jednakim kvartalnim ili mjesečnim dotacijama, da po okončanju fiskalne godine, najkasnije do kraja februara naredne godine, dostave cjelovit izvještaj o namjenskom utrošku svih doznačenih sredstava iz budžeta (narativni i finansijski dio).

Član 5.

U članu 16. iza stava 4. dodaje se novi stav 5. koji glasi:
Zadužuju se sve mjesne zajednice kojima se sredstva odobravaju za redovne aktivnosti, a ista im se doznačavaju jednakim kvartalnim ili mjesečnim dotacijama, da po okončanju fiskalne godine, najkasnije do kraja februara naredne godine, dostave cjelovit izvještaj o namjenskom utrošku svih doznačenih sredstava iz budžeta (narativni i finansijski dio).

Član 6.

Sve ostale odredbe Odluke ostaju nepromijenjene.

Član 7.

Ova Odluka stupa na snagu objavljivanjem u "Službenom glasniku Općine Tešanj", a primjenjivat će se na budžetsku 2021. godinu.

Dostavljeno:

1. Služba za finansije, privredu, komunalne i inspeksijske poslove
2. Službeni glasnik općine Tešanj
3. a/a



PREDSJEDAVAJUĆI VIJEĆA

Amir Kurtić, dipl.ing.elteh.